

Kjære 8. klassing
og foreldre/føresette!

Snart Konfirmant

- innskriving til konfirmantåret 2025/2026

KONFIRMANT
2026



VIKTIG!

Fjelberg og Eid

Påmelding
på www.kvinnherad.kyrkja.no
innan fredag 27. juni

Kjære deg!

No vil kyrkjelyden din invitera deg til å verta med oss i konfirmasjonstida 2025/2026.

Konfirmasjonstida er ein viktig del av trusopplæringa i kyrkja vår, så vi reknar med at de som er døypte og medlem av Den Norske Kyrkja vert med på konfirmasjonsopplegget. Skulle nokon likevel finna ut at dei ikkje ynskjer å vera med på konfirmasjonsdagen, kan vi koma tilbake til det seinare.

Dersom du ikkje er døypt, kan du vera med i konfirmasjonstida, bli kjend med trua og velje om du vil bli døypt undervegs. Konfirmasjonsdagen er for dei som er døypte.

Konfirmasjonstida i Fjelberg og Eid sokn har fylgjande opplegg:

- **Info-kveld for konfirmantar og foreldre/føresette**
onsdag 20. august kl. 18.00-19.00 i Eid kyrkje.
(Felles for alle, uansett konfirmasjonsstad.)
- **8 gudstenester**, inkludert presentasjonsgudsteneste, lysmesse, samtalegudsteneste og konfirmasjonsgudsteneste.
- **Undervisning på Zoar bedehus**
onsdagar kl. 17.30 - 19.30 (med matpause) etter oppsett plan.
I tillegg kjem undervisningssamling i kyrkja og øving til lysmesse, samtalegudsteneste og konfirmasjon.
- **Weekend til Brandøy 5.-7. september** - Sjå info-boks
(evt. ei kveldssamling for dei som ikkje har høve til å vera med.)
- **Tilbud om å vera med på Nattcup innebandy laurdag 8. november**
GRATIS for konfirmantar
å vera med og spela i turneringa.
www.kriknattcup.com
- **Tenesteoppgåve** med innsamling til Kirkens Nødhjelp sin fasteaksjon.

Alle konfirmantane er i utgangspunktet påmeldt på weekend, sidan det er ein del av opplegget.
Dei som IKKJE kan vera med, må gi beskjed innan tirsdag 26. august!

MEIR INFO OM DETTE FÅR DE I PROGRAM FOR WEEKEND
SOM VERT SENDT UT I BYRJINGA AV JULI.

Innskriving på nett innan fredag 27. juni

...men det er lurt å gjere det med det same, så gløymer du det ikkje.

Får du problem med innmelding på nett, så ta kontakt på post.kyrkja@kvinnherad.kommune.no eller tlf. 90 53 19 10 (Ikkje SMS).



NB! ALLE må registrere konfirmantane på internett.

Då går de inn på **www.kvinnherad.kyrkja.no**. Velg "Konfirmasjon" under Snarvegar og klikk deg inn på artikkelen "Velkommen som konfirmant 2025/26). Gå vidare til skjema for heile kommunen og **fyll ut før fredag 27. juni.**

NB! Sjekk på **www.skatteetaten.no** folkeregister korleis namnet til konfirmanten skal skrivast og før rett namn på innmelding. Dersom nokon endrar på namnet etter innmelding, må de gje beskjed til kyrkjekontoret.

Kostnader:

Konfirmantane betalar ingenting for undervisningsmateriellet, men alle betalar **kr. 400,-** til dekking av utgifter til kveldsmat m.m. Weekend til Brandøy 5.-7. sept kjem på **kr. 1900,-**. Dette inkluderer både reis, aktivitetar og kost og losji heile helga. De får tilsendt faktura som e-post for desse innbetalingane. **NB! Ikkje vær redd for å gi beskjed om de ynskjer delbetaling, eller t.d. utsette 1 mnd, så ordnar me det!**

Presentasjonsgudsteneste *(felles for alle uansett konfirmasjonsstad):*

Søndag 14. september kl. 17.00 i Eid kyrkje.

Det er fint om de som foreldre/føresette er med på dei gudstenestene som konfirmanten deltek på i løpet av konfirmasjonstida.

Konfirmasjonar 2026:

Fjelberg kyrkje søndag 26. april kl.11.00.

Eid kyrkje laurdag 2. mai og søndag 3. mai kl.11.00.

Ved påmelding på heimesida legg de inn **ynskje om konfirmasjonsdag og kyrkje**. Har de ein spesiell grunn, så skriv det i skjemaet. Har de avtale mellom to konfirmantar som skal bruke same lokale, ein laurdag og ein søndag, så skriv begge konfirmantane dette i grunngjevinga.

Soknerådet tek endeleg avgjerd om fordeling på laurdag og søndag med to like store grupper. I løpet av hausten får de melding om kva dag konfirmanten får tildelt.



Vi ynskjer at konfirmasjonstida skal bli ei fin tid for kvar einskild. Då er det viktig at alle gjer sitt til at det skal lukkast, og vi har sett opp nokre ordensreglar:

- 1) **Møt presis** til alle samvær (helst nokre minutt før).
- 2) **Fråvær.**
Har du god grunn til å vera borte frå eit samvær, må føresette be deg fri på førehand. Er du borte frå undervisningssamvær p.g.a. sjukdom, må konfirmantlærer/prest få melding.
- 3) **Ta med til kvart undervisningssamvær:**
Konfirmanthefte og skrivesaker.
- 4) **Ro og orden.** I alle samvær skal det vera ro og orden som gjev høve til konsentrasjon og arbeid. Slik kan utbytte av samværa verta best mogeleg.
- 5) **Det er ikkje tillate å bruka mobiltelefon i undervisningssamvær.**

**Så ynskjer vi vel møtt
og vonar det vert ei fin konfirmasjonstid med gode opplevingar!**



Med venleg helsing

Carsten Mrusek

Sokneprest i Fjelberg og Eid sokn

mrusek.carsten@gmail.com

Tlf.: 916 63 816



TRUSOPPLÆRING I DEN NORSKE KYRKJA

Kyrjekontoret i Kvinnherad - Klubbavikjo 9, 5451 Valen
post.kyrkje@kvinnherad.kommune.no
www.kvinnherad.kyrkje.no

**For så elska Gud verda at han gav Son sin,
den einborne, så kvar den som trur på han,
ikkje skal gå fortapt, men ha evig liv.**

- Johannes 3,16 -